



Izjava visokog predstavnika nakon sastanka o imenovanju sudija Ustavnog suda FBiH

Sarajevo, 24. aprila 2013. godine

Sa zadovoljstvom vas mogu obavijestiti da smo danas postigli određeni napredak, nakon svih nastojanja tokom protekle četiri godine da stranke postignu dogovor.

Predsjednik i dva potpredsjednika Federacije BiH i Kolegij Doma naroda su se obavezali da će poduzeti korake koji će omogućiti početak procesa deblokiranja imenovanja sudija na četiri upražnjena mjesta u Ustavnom sudu Federacije BiH.

Očekujem da će prvi koraci u okviru ovog procesa bit poduzeti do sljedećeg utorka.

Tokom sastanka, raščlanili smo na sastavne dijelove tačke oko kojih se slažemo i zasebno se bavili svakim dijelom, odnosno svakim imenovanjem.

Dozvolite da vam ono što je dogovoreno objasnim malo detaljnije:

Predsjednik Budimir će u što kraćem roku potpisati odluku kojom se imenuje sudija Mladen Srdić.

Gospodin Mladen Srdić već je dobio veliku podršku Doma naroda Federacije, tako da neće biti potrebno ponavljati glasanje. Nema više spora oko njegovog imenovanja.

Predsjednik Budimir se obavezao da će dostaviti ime novog kandidata, kojeg je odobrilo Visoko sudsko i tužilačko vijeće, kako bi bilo popunjeno mjesto koje je ostalo upražnjeno nakon što je sudija Faris Vehabović napustio Sud. Očekujem ime novog kandidata usaglašeno sa potpredsjednicima do sljedećeg utorka.

Kolegij Doma naroda Federacije potvrdio je da će održati sjednicu kako bi glasao o ovom kandidatu, u najkraćem mogućem roku od podnošenje odluke.

U duhu kompromisa, svi učesnici su se danas obavezali da će nastaviti pregovore o imenovanju kandidata na dva preostala upražnjena mjesta sljedećeg utorka (30. aprila), u OHR-u.

Kao što vidite, učesnici su postigli određene rezultate u imenovanju sudija na upražnjena mjesta u Ustavnom sudu Federacije BiH.

Dogovorom o poduzimanju prvih koraka potrebnih da se imenuju sudije pokazali su da imaju potencijala da nađu rješenja za izazove sa kojima se suočava ova zemlja.

Naravno, proces još nije završen. Svaki od učesnika sada mora ispuniti obećanja data danas.

Do sljedećeg utorka očekujem:

- da će odluka u vezi sa sudijom Mladenom Srđićem biti potpisana,
- da će predsjednik Budimir, u saglasnosti sa potpredsjednicima Kebom i Pudarićem dostaviti prijedlog za kandidata koji će zamijeniti Farisa Vehabovića. To treba biti prijedlog koji može dobiti potrebnu podršku Doma naroda Federacije BiH.

Sljedeći utorka završavamo, što se mene tiče, naše razgovore, ali ništa ne treba umanjiti danas postignute rezultate niti ih uveličati.

Svaki od učesnika mora iskoristiti ovih nekoliko dana za konsultacije i da se nađu rješenja.

Očekivanja međunarodne zajednice su jasna, a još su važnija očekivanja građana. Moraju se podržati institucije BiH i FBiH, i osigurati njihovo funkcionisanje. To je naš zajednički cilj.